

宋詩紀事補遺

宋詩紀事補遺卷之十二

歸安陸心源伯剛父輯

蕭注

字巖夫新喻人登慶厯進士攝番禺令破儂智  
高權知邕州累官西上閤門使後知桂州

題五龍廟

五龍兄弟古英名今日拏舟過悅城莫向草茅久盤  
屈早施霖雨活蒼生

輿地紀勝蕭注字巖夫新喻人少侍父之  
官康州過悅城題五龍廟詩云云孔道輔  
見其詩曰未可量也登慶厯第爲番禺令  
儂智高圍廣州注突圍出募壯士二千人

解圍與賊格焚其舟  
數百斬首五千級

王綱

南部人慶厯進士元豐中知巴州

贈富樂山海公長老

心地如今不動塵大千境界百年身掩關明月上峯  
頂滿座清風生玉津雪嶺松雲爲節操石樓鐘磬度  
昏晨已同七老圖崑壁便是龍華會裏人

金石苑

馮介

成都人慶厯進士

巴州

白雲處士來觀樂翠黛佳人笑擊甌

興地紀勝

擊甌樓

坐下擊甌清似玉檻前流水碧如藍

又

廬革

字仲章德清人登進士慶厯中知龔州累官福

建湖汀轉運使以光祿卿致仕

校書朱君示及園居勝槩新篇一軸皆有標

目轍成長調格詩奉紀清躡

姑蘇右浙會園榭森相望之子脫名鎖自放無何鄉

虛堂布遺經

遠經堂

周孔之文章靜齋播風雅

詩絃音齋

日洋洋吮毫濯曲溪

筆

泚墨散芳塘

墨池

抱琴獨登臺

琴臺

望山閒涉岡釣渚閱游泳竹路排青蒼

竹路

亭幽小

勺迴

清亭橋

紅白相低昂

眾卉

予此謝病歸旅吳歲月

長常聞君園勝欲往兩足僵開卷味題咏恍若披圖

詳吾聞玉川子破屋洛之陽東野廢官守止坐叢澗

傍豈如吾子樂遊息藹有方朝廷日清明百官良弛

張子旣難其進論撰亦有光退之謂子厚窮久道益

強文辭燼垂後將相未可當窮愁乃著書心志能渾

剛倘來奚足卹令名期自將

吳都文粹續集

送程給事知越州

金門人訪竹林人云向蓬萊駐畫輪百越江山初作  
主五湖圖史未生塵勸耕定帶齋船雨卷白應留燕  
榭春論道頻年有虛席搏風一擊好收身

會稽掇  
英集

高堯輔

開封人慶厯中東頭供奉官

寓居岳陽

一枕寒聲湘浦雨滿窗秋色洞庭煙

輿地  
紀勝

陳規

字正卿慶厯中通判永州嘉祐六年文林郎守  
河中府永樂縣令與宋史有傳之陳規非一人

見山西涼軒石刻澹山題名

涼軒

五柳已涼陰新軒復邃深葺條君子德虛豁主人心  
入座忘輕筴投簷少倦禽處民猶自處百里盡澄襟

山西  
通志

徐仲謀

通州靜海人父祐始居蘇州之胥門仲謀慶歷  
間以都官員外知邵武軍嘉祐間知建州治平  
元年以職方郎中知湖州尋致仕

留題郛縣西禪院古調詩

鄆縣七十寺碁布于郊坰景德當道衢寶塔騰青冥  
其間西禪院地勝景物靈何以使索然中有大藏經  
自從沒官來卷帙何零丁府民納其直將遷離梵庭  
奇哉陳氏子覩此而涕零謂寺無九部何以重佛僧  
如人去五臟何以主神形捨財百萬餘贖之俾安寧  
蘭若皆修飾貝葉重芳馨籤函列金玉堂殿揮丹青  
永以鎮福地實可壯禪局命僧開寶藏煌煌如日星  
讀誦香院裏音響何泠泠聞者與見者如醉而得醒  
豈不獲洪福深遠於滄溟凡人富金帛安能延百齡  
唯有好善道聲譽喧雷霆高吟二百言長使鄆民聽



成都  
文類

楊初平

秦州觀察判官慶厯時人

興慶池稷宴

照坐冰壺寒凜凜北斗揮漿均祓飲興慶池頭春色  
濃亂柳搖金花罩錦雕章麗藻俱時才落筆頌歌兩  
兩台府公莫惜玉山醉明日天綸鳳詔來

金石  
萃編

徐融

字子明

和陳述古仙居巖老堂詩

大老富詩書不煩耕與漁巖同傳說築人學仲尼居  
靜性觀三極窮神味六虛欲知休復意仁義是遠虛

天台  
別編

張俞 厲有

邛州青霞嶂

霧山環合白雲川戶有青溪種玉田萬本桃花不知

處幾年會得問秦年

邛州志

題西山臨江亭

南北逢除日天涯有去舟蠻城和雨閉峽水帶春流  
不負新年感惟多故國愁甯無賀新酒徒此事羈囚

萬縣志

遊靈巖

王文山後靈巖寺四百年來選佛場滿地白雲關不

住石泉流出落花香

漢南府志

白雲樓

城上新開百尺樓白雲人伴白雲留山川半倚三吳  
勝江漢常吞七澤流

廣州

越地生春草春城瞰渺茫朔風驚瘴海霧雨破南荒  
巨舶通蕃國孤雲遠帝鄉

題西山

昔乃荆棘荒今爲蘭蕙襲

岑公巖

池光復涵出萬象皆鏡入亭觀出浮雲彤彤映邦域  
左右浮屠宮歸然爭巖岌孰云南浦陋口始逢藻口

丈人觀

精氣騰井絡下臨羣嶽尊元眞戴天坐執印朝軒轅  
句

真人自有龍躡術可笑長生事戰爭

金華山

康樂有情遙寄想青谿句在十三峯

博望侯墓

九鐸使車通君王悅戰鋒爭殘四夷國祇在一枝筇  
隱真谷

綿綿褒斜路窈窕鄭真谷斯人已千載高誼猶在目  
以上輿地紀勝

張子定

慶厯中太常博士通判永興軍府事

興慶池禊宴

月標元己樂嘉辰興慶煙波漲曉津宴集幸聯台袞

坐風流仍繼禊堂春蘭亭事古成遺跡華萼樓空委  
路塵歌吹滿舡花夾岸酒帘無處不留人

金石萃編

### 張奎

字仲野臨濮人舉進士官陝西都轉運使尙書  
刑部員外郎充天章閣待制知鄆州宋史附見  
張亢傳

### 興慶池禊宴

公餘連騎賞芳妍柳重花明被禊天絲竹繞堤浮舴  
艋綺羅照水戲鞦韆回頭景物才三月屈指光陰又  
一年台旆行春暫均逸鳳凰池暖正思賢

金石萃編

黃非熊

福建永福人慶厯間讀書三島得方廣巖之勝  
作十咏傳于世養高不出自號南溪處士

玉泉洞

百尺寒泉漱玉鳴洞門斜入石廊橫烟霞不改古今  
色山水無閒朝暮聲窺洞野猿懸樹立驚人吻鹿上  
巖行有時寫盡琴中趣風定千林月正明

瑞松塢

誰種靈松近佛家根盤深塢鬪獺蛇風吹碧落雙龍  
動月照黃昏兩蓋斜千里雨聲喧洞壑半空清影漫

雲霞山僧長日頻來賞只恐春來起爪牙

望仙臺

臺前高嶽宅神仙疊石誅茅對碧巔雲霧不分人去  
路管絃長動雨來天彩鸞呼侶歸殘照野鶴口口下  
紫烟誰識蟠桃最深處劉郎風骨已雙全

龍樹巖

碧巖立嘯峯高狀藤蘿十里松三面石山橫疊  
嶂一株松樹倒蟠龍風雷聒地濤聲烈日月摩空翠  
影重憑仗高僧好珍重看他雷雨化靈蹤

龍尾泉



龍頭何在尾猶存定向天中飲漢源且注靈泉清洞  
府未呵甘雨活乾坤半空飛下珠千顆平地澄來玉  
一盆寂寞雲山非我宅九霄高處是吾門

鐘磬石

一雙鐘磬本天成垂在雲中左右屏平地望來分大  
小上方敲處震雷霆名從得後聲還異景欲彰時物  
自靈幾度夜深催月落滿林妖怪立泉扃

聽泉巖

萬瀨澄空天地秋清音不斷下悠悠山前一片月留  
影石上幾番僧白頭未必素琴方理性何須芳草始

忘憂堪嗤朝市區區者祇聽笙歌醉則休

靈羊窟

靈羊別去幾何春尙有懸巖舊窟存左右莫知歸穴  
路高低惟見去蹄痕千尋飛瀑垂峯頂一洞寒雲鎖  
石門好是月明羣籟寂幾聲閒答樹頭猿

清音洞

羣山如削水如澠一洞清音氣未凝風送松聲歸遠  
壑日移猿影下垂藤林僧倚杖看泉脈野客橫琴坐  
石稜回首碧巖鐘動處雲臺猶在最高層

瀑布泉

萬丈巖頭瀑布垂玉泉拖地雪霏霏聽來如訝青天  
漏望去還驚白練飛一洞清音喧碧落千巖寒色逗  
斜暉終歸大海成波浪權借山僧濯布衣

福州府志

王庭揚

慶厯中秘書丞通判隴州軍州事

興慶池禊宴

宗臣上巳宴東池雅俗嘉賓盛集時禊席臨川花照  
耀游車分路水逶迤賞心唯欲居民樂縱飲猶虞坐  
客疲獨願我公歸柄用盡令天下洽春熙

金石萃編

董士廉

永興軍節度推官慶厯時常山人見宋父田京  
傳

興慶池禊宴

歲和事簡正韶春興慶池邊樂眾賓尋勝此時追曲  
水賞芳良會屬平津咲花語笑秋千女隔岸絲簧祓  
禊人深愧薄才叨下幙酒酣應許吐車茵

金石  
萃編

任大中

厲有

和祖擇之題盧肇石

真陽刺史才祖擇之雄傑大旱雨一方盡使焦枯活  
公退趣向深水石探其絕長江北岸林唐有盧子發

曾居此林下高把簪組脫巖遠成荒墟佳名詎泯沒  
有石數尺長猶是舊時物況辱泥塗久實有堅重節  
擇之渡水見特爲心慘切萬夫一呼聚撓動雷聲揭  
地嶮若驅來巖谷俱震裂齒輔郡東湖脫得太華骨  
白玉漏纖紋雨頻爲澡刷草蔓漸盤遶柳綠密揮拂  
潤恐欲迸泉怪亦有奧穴安知無螫龍時見微雲出  
幾因牽夜吟簾曉捲殘月氣暗逼人寒蒙籠未若別  
煙重風埽開獨立勢突兀蘇武見單于傲晚腰不折  
人皆畫將歸手筆恨羅拙擇之豈不賢天涯避讒舌  
對此憂足忘我觀未甚悅不得見媯皇願天無破缺

舊江西  
通志

杜曾

字孝先雷澤人舉進士蘇州司法參軍明于法  
律改潁州團練判官慶厯中官吏部郎中

峽山古調

濫觴岷山側朝宗蓋自然沸沸出幽竇滔滔成巨川  
深流疑徹地遠勢欲浮天萬石攢若鬬一流瀉如懸  
二蜀通貨博三峽爲防堅上下比難險往來爭泝沿  
衝高瀆氣盛轉急洶形圓行人戒仲夏招子尙耆年  
風波雖滅裂灘磧且叢駢湍聲混蠻市漲潤入畚田

旁臨股且栗順下目無前浮沫逢槎聚垂瀑依岸穿  
哀猿藏森聳渴鹿聽潺湲幽勝祠宇密傾危村舍聯  
寒沙淹宿雨暖漱罩春烟青蕪隨遠曲白鳥戲輕漣  
常經祗名利舊隱多神仙至清逃魴鱖極奧容鱗鱣  
楚臣忠義鬱巫女威福專龍驤戰具敏鯨鯢導功全  
瞿唐十里暗灘瀕一邱偏砥柱未足擬呂梁誠浪傳  
伊子非智者被命徒勉旃尺短糺列郡寸進乘孤船  
一步一篙探百丈百夫牽通夕但耿耿終日惟乾乾  
廢職罹罪罟委命通化甄寄言千金子狂狷可聞焉

李寔

字公實慶厯中太常博士監零陵市征嘉祐六年祕書省校書郎守陝州主簿

陝府芮城縣羣賢涼軒詩

并序

芮古邑也其民淳吳良令也其心清夫以良令之清心而得古芮之淳民吾知夫治之無難也必矣故吳令來期月之間蒲山之陽大河之濱民知有生不知有吏吏知有獄未嘗有民嗚呼其亦可以稱治也與於是因民之無事作涼軒棟宇甫完山林滿前笙簫竽天地萬籟白日



有盡清風不歸若夫公餘賓來日高吏散令必  
休於其間也席有詩書檠有杯杓而彈有琴而  
投有壺於是嘯歌偃息無有一而不得其適也  
當是時不知天地之爲吾適耶吾自適其適而  
天地不吾與也不知陶淵明之昔時得如是無  
抑不知列禦寇之冷然而樂久而不返有是事  
乎無乎於是士大夫聞而以詩美之而令欲永  
其傳以刻諸石且俾來者知作之所始旣屬予  
序而復繼之以詩也時嘉祐五年八月一日河  
南寇序

自昔聞南國於今訟已微優哉賢墨綬經始雅軒  
白石有餘樂清風知所歸如何心已化尙寄玉琴徽  
山西通志

趙濟

慶厯中大理寺丞知萬年縣熙寧四年提點淮  
南刑獄見長編

興慶池禊宴

撫封占清境禊宴協良辰物態隨春秀歌聲洽政淳  
擷芳尋陌綺泛棹擊波鱗天幸陪開府非才愧席賓  
金石萃編

趙寅

德州軍事推官

興慶池禊宴

斗城初霽媚春暉  
託乘尋芳鶴蓋飛  
修禊波深輕急  
獎舞雲風暖薄  
更衣香車寶馬  
嬉遊盛別館離  
宮往事非  
因憶鳳池新溜  
躍黑輜看逐節  
函歸

金石萃編

史瑜

權節度掌書記

興慶池禊宴

池館春光欲禁煙  
芳辰修禊集羣賢  
茂林深處森冠

劒清籟鳴時當管絃召伯甘棠分陝地羊公風景峴

山前詩成莫訝天機俊潛握人間造化權

金石萃編

呂夷簡 薦有

### 憶越州

賀監湖邊山斗高水軒水塢頻抽毫吟餘清興杳無  
際揭蓬聽雨登漁舫

雲門雪竇阻清賞恍然目想心如遺前溪後溪月上

處千山萬山花發時

以上會稽掇英集

### 送僧歸護國寺

赤城千仞聳霞標聞說精藍近石橋久向天廚分淨

供忽游人落赴嘉招逾年華館留禪榻幾宿輕航兀  
夜潮深愧山陰許都講肯隨支遁出塵囂

天台  
續集

### 鄭州浮波亭

清波環遶地無塵榜署嘉名得意新若問經綸康濟  
術亭中兼有釣璫人

石刻

許當

厲有

### 莫公堂

高高莫公堂孕秀龍淵西造化秘奇勝路斷無輪蹄  
金霞烘石門古木蟠雙溪中流峙鼉首勢若吞雲霓  
下招巢由隱上揖松喬棲往往春風時桃花滿深蹊

漁郎信波去仙源歸櫓迷誰結物外賞嚴冬此攀躋  
旋磨苔蘚壁更作磊落題萬世萬斯年巖巖穹壤齊

邛州志

宋宏

大理寺丞知涇陽縣屢厯時人

興慶池禊宴

名臣臨境域和氣口芳春禊飲傳佳節時賢冠上賓  
綠波浮畫舸芳草染朱輪行樂由仁政歡聲沸水濱

金石萃編

石麟之

新昌人皇祐元年進士元豐中太常博士新差  
通判壽州

送程給事知越州

鹿轡龍節上恩華衣繡先歸士論嘉瑣闥暫虛元老  
席蓬萊還屬侍臣家旌旗天上浮文鐫鼓角江頭擁  
將牙東越又新南越治到時歌咏已諠譁

會稽掇  
英續集

向宗道

厲有

慶厯時與黃庶唱和熙寧三年廣東轉運使

別諸禪眾

四絕之名豈浪傳千岩萬石五雲間無才可述無窮

景祗愛眞山似假山

古殿琅璫木魚響匆匆策馬長松閒迴頭卻恨歸時

早月淡烟昏不見山

靈岩集

寶華山

松風山月送人歸幾處溪聲拂馬蹄殿角參差浦雲

隱回頭眞似武陵迷

廣東通志山川畧

石廬

字聲叔同安人皇祐元年進士累遷大理丞王

安石奇其文薦之愿廣西運判終口口運使元

祐五年以朝散郎知台州



祠堂

衰年手腳倦躋攀今日凭高一解顏驅得江山來目  
下化將虛殿出雲間真人煉藥仙都近釋子焚香佛  
界閑塵事數來寧易得后歌須盡夕陽還

三山志

許抗

抗字損之南城人皇祐元年進士官知彬州徙  
廣西轉運判官終福建轉運使

麻姑山

數里岩巖落日西更高高處種靈芝危風受雪春歸  
晚怪石留雲雨到遲仙鹿避人眠淺徑野禽窺果啄

殘枝待應俗格消磨盡重建瑤臺舊路岐

西池清暉亭

亭號清暉闕碧漣半連村落半神仙青山剩得雲間

日明月饒分水底天

以上江西詩徵

李撫辰

鄞縣人皇祐元年進士朝議大夫知撫州

瑞巖寺靈芝閣

高閣玲瓏倚半空秋來淨掃白雲蹤無人寫此天然

景十二闌干十二峯

四明志十八

李山甫

山甫字明叟南城人皇祐元年進士通判河州  
元豐初神宗屢召對累官樞密副使

題瑞相寺

路入禪關僻僧迎取衲披自憐重到此還憶舊遊時  
泉石清虛境松筠古老姿問師從此別鶴駕幾回知  
和王潛使遶遊麻姑山

鈴閣清虛刺史閒廉車因得訪仙山旂旂縹緲煙霞  
外冠蓋追隨水石間丹井寂寥終古在鸞驂悵望幾  
時還從來謝史留詩筆今日遺風尙可攀

同陳公彥遊章山寺

想見尋幽到此山詩成珠玉笑談間  
蓮花社裏千年約柏子香中半日閒  
寂歷松窗連遠籟縈紆竹徑斷  
荒灣琴堂吏散簾垂晝檻荀何妨數往還

慧光寺

夢遊山寺有餘清邂逅來遊卻自驚  
珍重秋風知客意又吹好夢到江亭

僧堂拂拭舊時塵鶯老花殘五換春  
四海干戈如鼎沸山中猶有太平人

以上江西詩徵

黃嘿

建安人皇祐元年進士元豐中殿中丞知衛州

黎陽縣

送程給事知越州

會稽山水古來雄內史新除捧詔東何籍扁舟追范蠡更將一釣問任公久諧偃息藩垣樂未試調和鼎鼐功日食萬錢惟恡惜不知蓬島屬詩翁

會稽掇英續集

郎淑

安吉人皇祐元年進士元豐中祕書丞權開封府左廂公事

送程給事知越州

三朝藩屏寵光頻四紀清名動指紳肯效懷章驚邸

吏獨能持節屈戎人千崑秀氣歸華藻五嶺殊功簡  
紫宸他日會居衡石地荊州雖老實台臣

會稽掇英續集

關希聲

會稽人皇祐元年進士長樂縣令

枕流軒

山出太虛外溪流千古高入窗喧客枕洗鉢濺僧袍  
夜月氣猶凜秋風聲更豪二年遊賞劇欲別首頻搔

三山志

孫覺 厲有

因覽蓬萊觀雪唱和謹成二首

重湖複嶺去連延氛靄消沈雪後天縹緲三山浮海  
上參差羣玉露峯巔使君宴集仍侵曉遷客登臨欲  
判年灑落塵懷對清絕向來身世兩翛然

蓬萊高閣與天同雪過欄干萬里空湖海乍驚銀漢  
落乾坤都在玉壺中扁舟漾漾思乘月病骨飄飄欲  
御風輒莫畫圖傳北闕承明人更出江東

以上會稽  
掇英集

連希元

字才父建安人皇祐元年進士元祐己巳朝奉

郎知循州

留題碧落洞

神仙誰道杳難窮老俗相傳住此宮山裂舊分三島  
洞羽飛曾馭九天風玉爲雙闕無塵到雲作丹梯有  
路通誰問稚川何處在儼然金竈列壺中

題雲華御室

洞天東去號雲華便是仙人舊隱家堪笑僞眞劉俗  
骨卻將泥土葬丹砂

廣東通志金石畧

劉握

湖州人皇祐元年進士治平元年官江陰司理  
巾山廣軒

天邊登覽處雕檻俯層岑山到三吳盡江連百粵深



柳烟含晚色花雨伴春陰騷雅知多助清虛在賞心  
天台續集

江陰軍

玉乳何年纔始見金沙疇昔謾曾聞

原注金沙玉乳皆泉名輿地

紀勝

吳申

字景山臨邛人皇祐元年進士累官國子監說  
書睦親宅都講監察御史殿中侍御史知諫院  
出知舒州卒

題招提院靜照堂

高簷飛遶發輝光  
向此心源默坐忘  
豈憶布金拋舊地  
便隨飛錫起新堂  
竹間野鶴聽齋鼓  
湖上遊人繫夜航  
卻懊未能攀勝境  
東南雲下欲騰翔

嘉禾志

湯夏

皇祐三年知泉州

貽資聖寺宗已

淨餅常帶水  
破衲任生塵

泉州府志

黃中庸

字長行仙遊人  
皇祐五年進士官太常博士司

馬光薦其才授浙西提刑

蓮華池

蓮花瓣裏可撐船一月映成水一川人把水心和月

淨蓮花貯月水傾鉛

仙遊縣志

宋詩紀事補遺卷十二男侍讀銜內閣中書樹藩校

宋詩紀事補遺卷之十三

歸安陸心源伯

林俛

莆田人皇祐元年進士元豐元年知惠州又知

連州

遊羅浮

此日鷺城第一山我來登覽足清歡心灰久不作春  
夢食淡何須輟晚餐寶積山中多佛剎藥槽峯外是  
仙壇憑誰爲扣葛翁訣乞與當年九轉丹

羅浮山志

彩雲軒

滄海揚塵已幾回麻姑緩步此峯來綵雲縹緲聞仙  
樂綠篆淋漓鎖翠苔仙境長留閒日月飛仙宜號小  
蓬萊鳳簫鶴馭還相待名籍今應在玉臺

羅浮志

錢公輔 厲有

### 蓬萊行

蓬萊謫居香案吏此語昔自微之始後人慷慨慕前  
芬高閣雄名由此起一從圯廢知幾年棟摧礎斷埋  
空山遺蹤餘址杳何處惟有竹樹荒蕪問過者徘徊  
遊者惜舉頭不見谿山色寂寞無人欲問誰神仙有  
景眞虛擲一興一弊固有時主人旌旆來何遲下車

鉞刃得優逸痛此舊事幾凌夷呼工萃材若河決正  
值西成農隙月屹然大厦立層巖百尺崇基鬼神拔  
虹蜺截空崖險平一級一級烟雲生步武陵虛眉睫  
溼四面四面屏障迎時攜賓佐恣吟賞笙歌輩類文  
章黨迴眸眩晃相顧笑莫辨人間與天上觀風醺醺  
環翠低左右羅列如嬰兒鑑湖浩渺檣嶺秀上下延  
揖生光輝秋日淒清春日媚冬宜飲雪夏宜醉四時  
風景各一全須言不是尋常地乃知真境未易彰神  
物寶護天緘藏人謀暗與鬼工合一日剖露如騰驤  
越王臺榭荒涼後唐相英靈磨滅久千巖萬壑幽隱

處而今盡入人襟袖憑欄黯黯半斜陽燒煙漁火凝  
寒光此時撇起千里恨使人懷哽生斷腸隔簾依依  
漸明月酒氣浩蕩歌聲滑此時放出百杯歡使人雍  
容重擊節惟公獨作蓬萊主夜擁琴書雜樽俎胸中  
氣焰欲干斗座上辭鋒欣捉麈嗟余時作蓬萊客賦  
詠登臨儒者職千日徒教混醉醒七言未解鏘金石  
蓬萊本在滄溟中那知平地別有官方壺圓嶠咫尺  
是願乘鸞翼長西東滿筵誰匪蓬萊賓闔境盡是蓬  
萊民人人共結蓬萊約行行醉看蓬萊春

若耶溪

若耶溪出若耶山浪影溶溶入醉顏仙客曾因一箭  
贈樵風長到五雲關數峯蘸碧輕清外雙舸浮春上  
下間料得當年乘興子爲貪煙水宿前灣

禹穴

一朵雲根壓眾嵐古傳深坎自天鑿藏書未必先王  
事好怪惟聞太史探洞府閒來何寂寞龍髯垂處認  
鬚髮近巖更剖知章字謾識奇蹤意自甘

以上會稽  
掇英集

呂寅伯

大防兄史稱呂贇子六人五人登第大防大鈞  
大臨大忠知名餘二人不見于史大忠字晉伯



大防字仲微大鈞字和叔大臨字與叔寅伯必  
居其一名不可考耳

夜過吳江憶華終之

更深旣盡燭清氣滿山川沙上風鷗聚烟中霜草鮮  
故人別何處新月照孤眠欲寄相思意征鴻未可傳

吳都文粹續集

呂大防 厲有

幸太學倡和

清曉金輿出建章祠宮轉仗指虞庠三千逢掖裾如  
雪十萬勾陳錦作行再拜新儀瞻魯聖一篇古訓贊

周王崇儒盛世無云補扈蹕空慚集論堂

汴京遺迹志

六時水

巖暉萬古照泉漏六時飛

飛赴山

最勝西峯下林稍四望亭江山觀掌握梁益布丹青

天師栗

樹向仙山老枝經漢火燔

以上輿地紀勝

李祥

萬安人皇祐元年知宜黃縣始建學校

惠山齋中聽雨

雲冷銀蟾遯香寒寶篆遲輕雷新破夢好雨故知時  
池荇陰抽帶山茶暗展旗空階聞夜響楚客起題詩

常州府志

### 馬良器

皇祐元年將仕郎試祕書省校書郎權保大軍  
節度掌書記治平元年通判台州

### 遊目山

雲外朝陽照古臺千巖宿霧一時開使君久負登臨

約今日朱轡特地來

天台續集

### 虛火照

字元叟宜興人皇祐三年進士累官當塗守

劉忠

肅集昆陵志

元豐中太常博士充館閣校勘兼知大

宗正寺陳古靈在經筵曾以治行薦官至侍講

### 送程給事知越州

標置才謀孰尙公拜恩新領浙江東黃扉玉殿官儀

貴皂蓋朱幡使節雄耕織富饒青嶂裏樓臺縹緲翠

雲中到時湖上看秋月安得清樽侍下風

會稽掇英續集

### 翁邁

字和沖崇安人皇祐三年鄉舉

### 鹿鳴宴贈歌妓

年方十三四嬌羞嬾舉頭舞餘駒皎皎歌罷鹿呦呦  
近座香先噴持盃玉更柔高唐人去遠誰與話風流

全閩詩話翁邁年十二爲郡舉首邑侯歐陽疎試而奇之郡守元陳以其穉齡不甚加禮且扣所讀何書邁曰近講相鼠之詩陳異其言尙意其詞采未逮及宴鹿鳴乃遣小妓索詩邁云云守大稱賞

### 李嚴

字子章樂昌人登皇祐四年進士授象州知州  
官至朝奉郎隨余襄公靖平儂智高有功文章  
節義與兄渤齊名

### 冬宿別業

移榻三冬暮聯牀半夜寒不眠霜瓦曉細語壁燈殘  
雁澤棲何定鵠原且自寬鴻飛非所羨聊託一枝安  
玉井雲根

雲根一竇發清瀾紺宇何須結綺欄夜霽定知奎斗  
澈浪翻應有蟄龍蟠支機水沸銀河湧海眼秋清寶  
鑑寒自是源泉開淑氣還看雪液更漫漫

粵詩  
蒐逸

徐信

保昌人皇祐四年進士少力學工詩文

甘露寺

平地風煙飛白鳥半空雲木捲蒼藤

粵詩  
蒐逸

保昌縣志蘇軾謫惠州見所作甘露寺詩云云軾乃以橫字易飛字信甚歎服

白約

榮州人皇祐五年進士

遊我雜咏

祥光非實相靈異只虛誇巖靜長留雪山寒故放花  
雲川千萬里燈火兩三家荷篠人何處悠悠步落霞  
樹倒因成路林開忽見村鳥音傳木杪梵語出雲根  
雪色連春夏風聲接曉昏徘徊幽興極回首謝煩喧  
文公太華遊惆悵無與其翁從二三子泉石恣披弄  
草木破芳鮮山巖落飛動朝市足紛華不入幽人夢

伏虎山房

入眼林巒皆可易不憚間關千里至白雲隨步入危  
梯前時想像今真是千巖萬壑誠瑰傑小草微花亦  
精緻更隨虎跡訪幽深恐有秦人來避地

嘉定府志

王汝舟

字公濟婺源武口人皇祐五年進士熙寧中知  
舒城後知南劍州仕終夔州路提刑厯十七任  
皆有治迹晚號雲溪翁有文百卷手校書萬餘

卷新  
新安文  
獻志

翠微峯



塵囂十里清秀嶺半空插縈紆疑無路兩石開一峽  
豁然見天宇四顧皆峭拔入門上石級僂僂如登塢  
懸巖置樓殿飛棟相匝匝徐行雲影動低語谷聲答  
仰觀絕壁間勢恐千仞壓側身過幽谷洞口若呀呷  
仙英去何許遺像寄山脅浴池弄清泚不敢著腳踏  
顧余倦遊者一宿借雲榻天風吹夜籟客興亦蕭颯  
幽尋約重來吾屐當再蠟

舊江西  
通志

碧巖亭和許將韻

亭開幽谷草堂邊朝暮清音落檻前人去日生蓬島  
路客來空愛玉溪泉仙翁世界藏深洞佛子樓臺出

半天誰爲琢開巖下石擬將遺事記當年

三山志

詠歸堂隱鱗洞

先生名利比塵灰綠竹青松手自栽擬把一竿盤石  
上幅巾閒過峽山來

其二

清時勇退一何忙撫志山西漢仲長靜覺眼根無俗  
物翛然一室自焚香

其三

隱德家聲累世聞考槃幽澗作閒人天紅過眼隨榮  
謝菊秀蘭香自占春

其四

種竹淇園遠致君生平孤節負辛勤  
需賢側席非無意地遠言輕豈易聞

藏春峽

短樓矮閣小亭臺中有高人避世埃  
寒翠自憐霜後竹清香誰辨雪中梅  
喧囂祇爲鶯聲巧漏泄多應柳眼開  
只恐藏春藏不得東君勾勒下山來

南平縣志

方子容

興化軍莆田人皇祐五年進士嘉祐六年福州  
節度推官元豐間知東莞縣事

西龍潭

風雲未借且潛藏峯上誰歟起道場禪子坐聽金竺  
語老人拜獻玉函方法輪廣大乾坤轉巖洞幽深日  
月長千古不愁爲佛護夜潭勤禮玉毫光

羅浮志

黃序

字祖善義甯州人皇祐五年進士累官道州通  
判以大理寺丞致仕

放隱齋落成寄魯直九姪

有序

老伯行年七十有六同時兄弟名滿四海墓木  
已拱合令老夫老更狂耳近築亭馬鞍山松聲

泉溜足以忘年魯直九姪爲我乞詩朝中諸公  
要驚山祇突兀出聽

直木皆先伐輪囷卻歲寒時需病者栗倒着掛時冠  
人樂觀魚尾山齋跨馬鞍朝中乞佳句留與子孫看

義甯  
州志

陳傳鴈有

字竹溪建安人皇祐五年進士

望江亭

山藹嵯峨江岸深望餘亭影落江心無風萬里磨平  
玉有月千波漾碎金思遠解邀無己句流清宜寫不

齊琴仙槎一棹驚秋曉此去銀河尙幾尋

三山志

蒲宗孟

厲有

雲臺

閩州絕勝是雲臺十里松蘿殿閣開

錦屏山

碧江寒浸錦屏山寺古山靈樹石閑水色照人清見  
膽嵐光著霧翠成斑自從舊句曾關念縱有新詩總  
厚顏今日斷絃應最續一時傳誦在人間

輿地紀勝

吳處厚

厲有

自諸暨抵剡三首

莫歎塵泥汨且圖山水游幾峯天姥翠一舸剡溪秋  
不見戴安道有懷王子猷西風無限意盡屬釣魚舟

其二

秋渚寒空碧秋山刷眼青排頭烟樹老撲面水風腥  
上瀨復下瀨長亭仍短亭夜船明月好客夢滿流螢

遊沃洲山真封院并序

越山惟沃洲最高樂天之記詳矣晉人喜曠達  
而尙清虛故山水之遊一時特盛在九江廬阜  
則浮屠慧遠爲之主而崇雷輩十有八人從之  
在剡之沃洲則浮屠支遁爲之主而王謝輩亦

十有八人從之要皆遁世避地杞與爲方外之  
適耳余嘗歷九江潯陽過於柴桑之間訪其  
所爲東西二林者而慧遠宗雷之迹往往猶可  
辨識徬徨不能去者久之念沃洲窟於一隅無  
因而至上下其心者數矣近偶祇役於新昌初  
甚不憚徐而聞沃洲迺在其境遂挈而東不憚  
奔走頓憾之勞欲促償其願又且幸爲沃洲一  
時主人也一日風甚寒天姥盛雪適會稽有移  
文乘興便往值暝不及遂宿於梅林僧舍平明  
過眞封院先至養馬坡陟鷲鼻峯入門謁道猷



影堂訪支遁庵基觀錫杖泉眺放鶴峯徘徊而  
還大抵山川氣象皆荒替雕落非鄉時所聞之  
沃洲也雖然環抱之意趣奔驟之態度尙皆一  
一可愛迺知古人選勝皆有所謂唯嗜山之深  
者知之不可爲俗人言也因爲古格長韵以紀  
之云

幼年曾讀樂天碑及壯亦覽高僧傳聞有沃洲風景  
佳卻未能到心空羨近至新昌披縣圖此山乃在吾  
廐園想像時時掛夢魂欲一遊之念無便夜來人報  
天姥雪今日趁晴初出縣酸風瞥瞥吹我鬚寒氣稜

稜刮人面半膝短衫刷以輕獨腳小轎快而健不知  
路入幽澗長但覺山隨白雲轉靠昏投宿梅林邨侵  
卯便過眞封院新霜滑漣行李難一步一拄一回眩  
養馬坡前秋草黃駿骨已埋無復見放鶴峰頭樹影  
孤鶴不來歸雲漫漫入門觸物皆荒涼塵几蠹經三  
五卷餓鷄叫噪遶生臺野雀瑤璫集寒殿老杉千尺  
惟空腔猶有枯藤半縈纏憶昔江左全盛時十有八  
人皆俊彥或吟或嘯或遨嬉不覺回頭垂纓弁林泉  
耽味久成癖角鳥留連老忘倦前有道猷後法潛錫  
杖卓泉堅志願晚則道林經構之左右前後遂完繕

烟霞一窟直幾錢買醪商量價何賤聚徒數百日高  
談供有香花齋有麵歲時浸久山浸荒種粟燒畝耕  
掘徧茂林髡鬢無幾存莽蕩周回空一片惟餘溪水  
清汪灣百匹秋光瀉寒練古今興廢盡如斯欲去徧  
人還戀戀

遊五泄山

烟霞一隅兩山源石壁寒垂瀑布泉人事是非空縹  
繞水聲今古自潺湲月留吟客眠寒榻風送樵翁下  
翠巔檀篆未消鑪火燠夜長人靜好談禪

留題雲門山雍熙院

三寺峙若鼎四山合如環偷攜野人杖默叩禪翁關  
草樹冬不老雲烟秋更閑飄飄物外興又逐歸禽還

會稽掇  
英集

### 郎官湖

郎官湖上郎官遊只教閑客生閑愁煙波蕩漾四五

頃風月淒涼三百秋

輿地  
紀勝

### 曹穎叔

字秀三亳州譙人第進士皇祐五年儂智高寇  
嶺南朝議憂閩中弛備以刑部郎中天章閣待  
制知福州所至推恩行利治行不下古人宋史

有傳

長樂臺

藍姿冰骨與秋輝疑作危稜磴翠微向晚山僧若留

我層層寒有亂雲歸

三山志

李宗孟

武進人皇祐進士

費禕祠

空遺費仙跡不見庾公遊草木有新色江山餘故愁

江夏縣志

范亦顏

字聖隣四川郫縣人皇祐進士見安岳集

丈人觀

神仙遠來宅奧境五嶽跼蹐兒孫從

輿地紀勝

呂大忠

字晉伯藍田人皇祐進士累官祕書丞檢詳樞密院兵房文字河北轉運判官寶文閣直學士博極羣書文尙理致箸有輞川集五卷奏議十

卷

袁本讀書志

送程給事知越州

飛詔平明走玉珂夕郎持節越山阿西風旗鼓催行

色南國尊鱸助醉歌隣寇未銷謀可爾部氓猶困政  
如何番禹今得長城利推此求功曲突多會稽掇英續集

趙嗣業

皇祐進士四川人

賈司倉祠

抱負如公屈不伸古來無有達詩人聲名豈似官資  
小才調寧如掾俸貧東野舊稱濤湧骨退之曾說膽

過身

輿地紀勝

閻灝

四川新繁人皇祐進士治平二年秘書丞熙寧

四年太常博士累官屯田員外郎與范忠宣唱

和

賦新繁周表權如詔亭

承家愛以義能誨仕之忠故里推全德先生有古風

中郎銀組白刺史錦衣紅浩矣無窮樂春熙醉笑中

成都  
文類

員安興

四川仁壽人皇祐進士

失題

國初吾鄉民萬戶一逢掖蓋自咸平後俊髦始接迹



輿地紀勝

何琬

字子溫龍泉人皇祐進士元豐中太常博士知  
司農寺丞神宗嘗書其名于屏曰政事何琬文  
章葉濤七厯監司終于龍圖學士

送程給事知越州

賀老溪山久寂寥輟從青瑣去班條樓臺爽氣來蓬  
島鼓角新聲壓海潮千里勸耕趨壟畝五雲吟句落  
漁樵鑑湖想望隋河上滿眼清風逐畫橈

會稽掇  
英續集

朱申

字維宣自號熙時子雱都人皇祐間有聲太學  
官龍平尉箸有語孟辨箋孫吳新注

食粥歌

釣魚翁攝尉龍平期年罷局僦屋而居日一飯  
一粥家人怪而歎曰人皆二飯今以一粥易一  
飯無乃餒乎余笑而語之曰顏魯公爲唐名卿  
合門食粥顧忠義不及魯公者食之固宜後世  
縉紳有饕餮而不知命一旦時移事殊求甘於  
粥不可得豈不愚哉且余之爲粥異乎世俗味  
常怡然而興卓筇竹之杖節卷雲之巾釋青氍

之袍俛而持缶往汲清泉命妻擇粟遣妾濯鼎  
呼女燃薪湯作蜃眼而漸以徐下循循按籌而  
運之使離而不膠繼以鹽梅和之家人愕視曰  
此果何爲哉余曰有道存焉譬若善爲政者寬  
而不失於漫猛而不失於暴調燮有方然後吾  
粥成矣余箕踞而坐妻女左右列酌飫而後已  
乃鼓腹而歌曰

龍平江水清洋洋尉山高兮秋葉黃釣翁落落兮棲  
山房偕室人兮甘糟糠丈夫壯圖兮在四方道豈終  
窮兮業不彰芻蕘有謀兮懷廟堂一言而興兮悟君

王榮祿不計兮德有常  
饘粥供殮兮何可忘  
府志

安稹

皇祐中度支郎中祕閣校理知明州

飛來山

昇山遊罷到賢沙  
松檜陰中一境賒  
自愧簪纓趨仕路  
翻憐泉石屬僧家  
尋從越國眞仙跡  
見盡閩封好物華  
幸接憑熊擁千騎  
紅旌飛去照殘霞  
三山志

李堯俞

字然明皇祐中知處州廣厯中建照水堂○又  
一人臨川人宣和六年進士

句

嶺陽山水奇第一稱湓州

輿地紀勝

陸若濟

字邦美江西金溪縣人進士皇祐間宰龍泉清  
介絕俗秩滿其妻詆之曰君不取一錢行道之  
人皆談清德今解官亦載一清舟歸耶若濟曰  
是非汝所知也人高其操

林志

遊虎潭

崖懸怯吾顧潭空沁我心匪斯涉遊趣敬慎識官箴

龍泉縣志

劉宗孟

至和二年以比部郎中知台州

題清輝堂

曙光倫紫翠秋氣莫爭青山近嵐同潤堂虛日共生  
斷霞雲去接夕照月來迎翻想鮫人室珠盤亦讓明  
天台續集

巴州

萬山攢地窄四氣得春偏分野侵秦壤星河共楚天

輿地紀勝

氣潤梅蒸雨陰濃柳鬱煙夏深虛橘熟花盡海棠妍

尹瞻

溫江人以博通知名舉進士至和中比部員外  
通判永州建學誨士後以尚書駕部員外郎監  
零陵郡事

澹山巖

岌岌元化精巖大塊坼駭若盤古時呀然巨靈擘  
狀怪嘔風雷勢邈吞山澤寒暑中外分居僧甘窟宅  
火星巖

郡古時和諍訟銷使君乘興忽相招畫船載妓游巖  
寺紅旆搖風過野橋就石開樽俎樹腳撥雲策杖上

山腰鳴騶未許歸城去  
一望寒林隔口遙

零陵志金石

楊開之

至和中漢州通判

游連山湧泉觀次文與可韻

雙旗曉出遠遊山  
徧覽幽奇日日閒  
幕下淵雲陪後

乘馬嘯歸去月華閒

漢州志

俞仲昌

廣西鬱林縣人高尙不出鄉人尊之稱老先生

至和中太守李某贈之詩

題南山



白雲來去本無蹤古定仙山四六峯

輿地紀勝

薛周

河中萬泉人祖顏宋史有傳周爲顏之次孫至  
和中國子博士監上清太平宮歷駕部員外郎

中歲謝事不仕

見劉貢父彭城集

留題樓觀

結草終南下雲蘿一逕深人窮文始跡誰到伯陽心  
古木含天理清風快客襟勞車行計促空媿負長吟

金石

萃編

韋不伐

字次德襄陽人歷官房州司法參軍鄧州襄城尉絳州太平令以張方平薦授乾州軍事推官遷衛尉寺丞以大理寺丞知許州改太子中允退居襄陽至和元年卒年七十四見樂全集

峴山

羊公民愛深原叔復善政緝祠流聲詩才德交輝映

湖北通志金石

王彥博

字仲遠濟州鉅野人喜爲古文頃刻卽成至和二年卒年二十一見竹隱畸士集

聞鄰笛

黃鬚戰士據鞍賦白髮將軍撫劍歎

見雞肋集

雞肋集王君墓誌銘仲遠嘗十七入歲時鄰人有吹笛者仲遠聽之而悲賦詩曰云會補之先大夫與仲遠善見之慨然曰仲遠有大志然終不遇奈何無幾時則仲遠卒

宋詩紀事補遺卷十三男侍讀銜內閣中書樹藩校